

粵西叢載

清汪森編

第七冊

進步書局校印

學

西

生

長

子

學

書

粵西叢載卷二十四

俚

蠻種名色已詳大載中此復稍補其闕畧

建武十二年九真徼外蠻里張

里蠻之別號今別呼為里人

率種人慕化內屬封為歸漢里君漢

書

廣州南有俚賊在蒼梧鬱林合浦寧浦高涼五郡中央地方類千里往往別村各有常帥無君主恃在山險自古及今彌歷年紀民俗蠢愚惟知貪利無有仁義道理土俗不愛骨肉而貪寶貨及牛犢若見有假人財物水牛者便以其子易之夫或鬻婦兄亦賣弟若鄰里有負其家債不時還者其子弟中愚者謂其父兄曰吾為汝取錢汝但當善殯葬我耳其處多野葛為鈎挽數寸徑到債家門下謂曰汝負我錢不肯還我今當自殺因食野葛死於債家門下其家便稱怨宗族人眾往債家汝不還我錢而殺我子弟今當擊汝債家懼因以牛犢財物謝之數十倍死家乃自收死者罷去不以為恨

南州異物志

蠻

廣西控扼。巨蠻曰邕。曰宜。邕屯全將。宜屯半將。皇祐間。分宜州為一路。帥所統多。巨州後罷為郡。今守臣猶兼廣西都監。為慶遠節度。宜之西境有南丹州。安化州。三州一鎮。又有撫水。五洞。龍河。茅灘。荔波等蠻。及陸家砦。其外有龍羅。方石。張五姓。謂之淺蠻。又有西南韋番及蘇綺羅。坐夜回計。利流求。謂之生蠻。又其外則有羅殿。毗那大蠻。皆徑路直抵宜城之境上。

嶺外代答

徽宗大觀二年。有融州屬蠻大。巨洞首領楊光朝。請內附。又有楊克端等百三人來歸。皆納之。諸蠻族類不一。大抵依阻山谷。並林木為居。椎髻跣足。走險如履平地。言語侏離。衣服編爛。畏鬼神。喜淫祀。刻木為契。不能相君長。以財力雄彊。每忿怒則推刃同氣。加兵父子。間復讎怨。不顧死。出入腰弓矢。匿草中射人。得牛酒則釋然矣。親戚比鄰。指授相賣。父子別業。父貧則質身於子。去禽獸無幾。

宋史

甲崗蠻後屬交趾。宋景祐嘉祐間。出寇邕州。

海學

古稱天竺。咳首焦僂。跣踵穿胸。儋耳狗軛旁脊。謂之八蠻。其文面尤異者。則有飛頭。鑿齒。鼻飲花。面白衫赤。棍之屬。嶺表左右及海外諸國。在在有之。而儋耳交趾。遂以

名郡。

炎微紀聞

猺人古八蠻之種也。五溪以南窮極嶺海。迤邐巴蜀。皆有之。椎髻斑衣。婦人黥面。為花卉。蜻蛉蛱蝶之狀。山田瘠塉。十歲五饑。急則墮突漢界。持短槍。控大弩。毒矢攻剽。墟落踉蹌篁薄中。飄忽往來。不可蹤跡。山中多杉板藥物。四方亡命若避徭賦者。此焉逋藪。消雜夸中。為之嚮導。分受擄獲。結黨既多。則公墮城堡。劫官寺。故廣之東西。歲苦兵事。諺云。比年小征。三年大征。然亦僅矣。史氏槃瓠之說。雖恍惚難稽。然猺人多槃姓者。或訛而為盤云。猺獠雖異族。而信鬼畏誓。大畧相同。在唐虞謂之要服。蓋以信義要質而已。炎徽紀聞

平地猺。居食嫁娶。悉與民同。男人鬚髮止於四旁。婦人衣斑斕衣。刺綉亦古雅。耕田納賦。惟不任差遣。間亦有讀書應考者。性最淳朴。畏見官吏。常為胥皂所魚肉。不能

自直。

臨桂縣志下同

高山猺。架竹木為屋。覆以青茅。種禾黍。山芋豆薯為糧。有蜂蜜黃蠟。香草。草木耳。乾笋茶葉等物。每無定居。數年此山。數年又別嶺。亦有以剝瓢為業者。嶺磴險阨。負載者悉著於背。繩繫於臂。僂而趨。上下甚捷。善用弩。名偏架弩。弩牀以紫榆為之。其

箭甚毒中人輒死。但性最謹厚。世亂人多携家往就之。皆樂為効力。雖託之細軟亦不致有失也。此惟東鄉徭則然。

永福白徭。散居毛崗里之大波塘。并理定里地方。深居山谷。不與他徭徠往來。老死不入城市。以木皮覆屋。編桑著為衣被。夜寒則家人父子圍爐一處。足跣能履棘刺。走峻坂如飛。採毒藥。炕藥射獵以續食。人多衣白。以錫飾笠頂。望之皆白。稱為白徭。亦稱木皮徭。常出鄉村貨其山間麋鹿皮。及陵香降香之類。性雖悍野。不敢出崗為

患。

永福縣志

徭亦名峯客。有四姓。槃藍雷鍾。自謂狗王後。男女皆椎髻跣足。結茆為居。遷徙無常。刀耕火種。不供賦役。善射獵。以毒藥塗弩矢。中獸立斃。南寧府志

大良徭。居處服食同獠。而性亦淳謹。敬慕華人。至則雞黍禮待。近為獠所殘破。散入

村落。樵採耕種。與民無別矣。

臨桂縣志

永福大良徭。在邊山毛崗龍溪板塘。與民雜居。舊謂之木徭。其俗男耕女織。廬舍飲食與鄉民同。婦髻髻上銳下廣。撮髮貫出其上。絡珠鬘。後為飾。衣裳用五色絨雜綉花卉。男女踏歌為樂。而不至相狎。先年稍強盛。肆劫殺。後經剿戮。始附籍聽約束。因

號為良獠。天順末，為潮北獠戰奪其田土，逃竄外境。隆慶大師後，招回住大茅源，貫余村各村。今又逃散。永福縣志

獠

獠即舊越人，容貌衣服俗尚頗與獠同。但獠婦之裙長有七八幅，而淫婦之裙短只三幅耳。縣治總有三百村，獠得二百七十有餘村，而民止得二十三村。多寡強弱之不敵如此，所可幸者，猶喜知有朝廷法度，惟一誠以來之，信其約束，不為紛更，寬其網罟，無恣羅織，則欣然歸命，輸納罔後，知重信約，無甚狡猾。比獠已獠為可制云。荔浦縣志

永福南獠原自黎平慶遠谿崗越出，正統間浸沒理定縣境，漸入本縣毛崗地方，與獠角立，分為東獠西獠。正德間為潮北獠殺逐，僅居牛嶺西坑江頭營大卜灣數村而已。其俗與潮北獠稍異，供養父母，不欄居，不相舂雙塘，不食犬肉，婦人椎髻差圓而絡珠為飾，其次前衫短而後衫長，裙十幅細摺挑綉花卉異樣，而顏色稍紅為不同耳。餘與潮北獠無異，而絕不與之婚姻往來，視良獠為近之。永福縣志下同

潮北獠原出自湖廣靖州，由懷遠流來，浸沒古田境土，與南獠異。弘治年間來本縣

殺逐良獠。并有其地。其俗男耕女織。架欄而居。下頓牛畜。女人橫髻。卉裳刺手。為文。男子亦貫耳帶綿。著為飾。男女喜歌笑。以示情愛。婚姻食猪牛。為聘定。女子嫁夫。一夕遂返。越三五載始歸。與夫同處。父子異居。父母衰老始收養之。有病不事醫藥。深信巫鬼。盛擊殺牛。禱之有三牲五牲七牲十二牲之說。心有屈。輒服蠱毒。自死不惜。有冤。鳴眾論理。名為叫老。如不平。椎牛糾眾。連年仇殺。隔世不忘。不識文字。有事刻木通信。事通用火灼之。以示急弱。弱者投強。以為倚。至老不入城市。不奉拘提。種類蕃盛。風稱永福民三獠七。為民害甚矣。

南丹溪洞之人。呼為獠。其始未嘗至省。元至元間。莫國旗獻圖。納土。自是獠人方入省地。初柳慶邊山居民。苦於獠寇。募獠人耕種。且以禦獠。久之。獠與獠通。遂通民田產。擄民子女。掠民財畜。為害尤甚。今考居宜山之邊境。與隸各州縣者。此種為多。性氣剽悍。椎髻跣足。穿耳懸環。男女如之。出入身佩長刀。持鏢戟。負勁弩。淬藥鏃。專務殺人。瀕江居。則拒水路。依山居。則據陸險。時或潛伏草莽。肆行劫掠。夜則明火執杖。盜人牛馬。綁縛人婦。械以木格。狀如春杵。刻其兩端。中鑿為竅。納一足械之。勒重質。取贖。否則肢解之。其居架木為欄。下皆畜織。吮血肉。婚不避姓。時上元中元春秋社。

日男女答歌苟合。至有妊娠始歸夫家。男服者短窄衫細褶裙。其長過膝。女服者青衣花紋小袂裙。以紅綠繒緣。長則曳地。不祀先祖。病不服藥。惟祈鬼神。每歲收穫畢。則跳鬼酬賽。男女淫奔。若至於仇殺。子孫不忘。

獐自元至元間。方入省地。近日編入版圖者。謂之熟獐。性略馴。其遠者。謂之生獐。梗化不可制服。謂天為溫。父曰扶牛。曰懷魯。已飯曰毫。食曰民。亦有同中國者。謂酒曰醪。謂鹽曰鹵。南寧府志

獐散處林麓。無復聚落。出入負弩。短衫魑結。貯粟巖竇。以銀為圈。加於頸。夜宿短衾露足。不欲酣寢。心好殺。又恐人謀己也。本類相讎。纖芥不已。雖累世必復其鬥。或誤殺人者。以牛畜為償。或數十頭至百頭。名曰人頭錢。流劫則糾黨麋起。亦有渠長人先給銀三錢。贍其家曰鎗頭錢。在山三五為羣。要人於路曰伏草。在江突衝而出。繫船取貨。羈以求贖曰勾紅。小則屠村堡。大則窺城邑。滋蔓之久。道路梗澀。廬井為虛。師興則遠遁深藏。萬山絕嶠。莫可誰何。且其耐饑。啖鹽數顆。草木皆可食。自用兵以來。誅者十五。逃者十五。不得已而招撫隨之。平樂府志

獠

獠者。蓋蠻南之別種。無氏族之別。依樹積木以居其上。名曰干闌。好相殺害。若殺其父走避外。求得一狗以謝。不復嫌恨。若報怨。必殺而食之。其俗畏鬼神。尤尚淫祀。所殺之人。美鬢髯者。乃剝其面皮。籠之於竹。及燥。號之曰鬼。鼓舞祀之。以求福利。至有賣其昆季妻孥盡者。乃自賣以供祭焉。北史

居天河縣之東鄉者曰獠。其性視猛獠較馴。亦頗譎詐。各盡力勤耕作。善賈販。多食蔬事佛甚謹。凡食素者。以三年為率。名曰血盤齋。為其母報恩德。報恩素食三年者。羣聚於佛寺。鳩錢具蔬。延浮屠作佛事。以超薦其父母。謂之懺齋。其婚娶燕飲禮甚簡陋。亦各盡所致。先時垂髻蓬首跣足。成化間。知縣袁瑒禁之。始巾幘草履。亦變尼之一機也。慶遠府志

伶人

大藤羅運山中。其幽崖奧谷。是生伶人。雕題編結。狀若猩猩。散育莽中。不室而處。卉衣血食。言語侏離。雖附近諸徭。亦莫能重譯也。交微紀聞

永福伶人。來自義寧縣。其俗與良徭同。而語言各別。婦無髻髻。用布纏簪作鬢。貼插椎髻之下。俗呼為苦麻伶。性氣視諸徭較馴。有姓蒙者。住板塘里蒙嶺村。今絕村為

獾據

永福縣志

獾者獾之別種。其性情氣習。飲食居處。服用器械。及婚葬燕祭。皆與獾同。編入版籍。畧供賦役。亦如熟獾。但言語差異。今思恩縣南丹州。有此種。謂之苦黃獾。慶遠府志

荔波縣深溪崗中。亦有獾俗與獾異。而性克狠。同上

獾人。饑拾橡薯。射狐掘鼠。蠱蠅蛆蛛。甘生如薺。卉木鳥言。重譯四姓。獾外曰狙。其風罔聞。意莊生所稱狙公云。赤雅

獾人

獾亦獾類。不喜殺。善音樂。彈胡琴。吹六管。長歌閉目。頓首搖足。為混沌舞。獾之有獾。猶獾之有大良也。赤雅

獾人

獾亦獾類。嗜殺過於獾。父子有隙。信信反噬。弑父則疾走。得一大謝母。母亦不恨。同上獾人獾人。皆獾之別種。性狠暴。及其氣習。亦與獾同。但其謁見官長。不知跪拜。為跣跌為敬。慶遠府志

獾人

疋人山田墾墾。十歲九饑。纖仇必報。墾突漢界。攻剽村落。或誤殺人。則以牛畜為償。
曰人頭錢。赤雅下同

苗

苗自為一類。其女善為漢音。操楚調。掛釵留客。能為鸛鵒舞。生女則還母家。曰一女
來一女往。

蜚人

蜚海上水居蠻也。以舟楫為家。採海物為生。且生食之。入水能視。合浦珠池蚌蛤。惟
蜚能沒水採取。旁人以繩繫其腰。引石縋而下。得珠螺則繫繩動搖。即引而上。先煮
毛納極熟。急覆之。不然寒慄而死。或遇諸海恠所觸。往往潰腹折支。人見血一縷浮
水面。知蜚死矣。虞衡志

蜚人瀕海而居。以舟為宅。或編蓬水滸。謂之水欄。以釣魚為業。辨水色以知龍居。故

又曰龍人。炎微紀聞

蜚有三。取魚者曰魚蜚。取蠔者曰蠔蜚。取材者多曰木蜚。其人皆目睛赤碧。丹衣卑
食。各相統率。魚蜚蠔蜚能入水伏二三日。一謂之龍戶。一謂之崑崙奴。高麗史

蜚人神宮畫蛇以祭。自云龍種。浮家汎宅。或住水滸。或住水瀾。捕魚而食。不事耕種。不與土人通婚。能辨水色。知龍所在。自稱龍神。藉稱龍戶。莫登庸其產也。蘇

蜚民原皆東來。水蜚散處於此。以網魚為活。棲泊河下。編竹為簾。葺蓬為舍。向猶二

三十人。今生聚漸多。男婦約有百名口。是可覘其安於樂土矣。容固無河所。此類不

入編戶。不入保甲。止籍其名。以其艇或供水路往返。而官以租食之。近多投於巨室。

巨室亦因而利焉。第繡江驛裁革。別無差船。此等蜚艇。時不可缺。所司既有意於士

夫定分送之額。則亦未可求多於若輩也。而所家尤甚云。容縣志

蜚人有五姓。麥濮吳蕪何。古以南蠻為蛇種。觀蜚家神宮蛇像可見。世世以舟為居。

無土著。唯捕魚裝載以供食。南寧志府

馬人

馬人其先中國士卒。隨馬援南征。羈留未歸。散處南海。遂成部落。人人深目顴吻。以

採藤捕蠮為業。產與黎同者。韓退之詩云。衙時龍戶集。日上馬人來。人皆不識多強

解之。由今而觀。殆即此馬人之類也。四夸錄

馬人本林邑蠻。相傳隨馬援北道。散處南海。或曰。盧循遺種也。故又曰。盧亭云。炎微紀聞

盧亭人屬胎生。或曰盧循遺種也。黃睛短髮。出沒海洋。以魚蝦為食。惟雄者後有小尾。長寸餘。其牝牡則人也。語侏僂不可辨。蜚人諳其性。得其小者。育之。衣以樹皮。長令捕魚採珠。取珊瑚極便捷。其性專慤。與山獠等。乃身腥穢。不可近。能伏水一二月。正德間香山漁者曾中。曾獲一人。嘉靖間備倭黑孟陽捕海寇。得一於舟中。呈解粵省。因餐火食死焉。識者謂為盧亭。無乃鯨人之類也乎。嶺海異聞

山子

山子夸人。散處橫州震龍六磨諸山谷中。無版籍定居。惟斫山種畬。鋤木盆鍋射獸而食之。食盡又移一方。男女皆徒跣。婦女大髻重可數斤。其夫婦欲行人道。則就山中僻處。先挿青於路。以斷來者。或誤入。則弩射之。其交類獸與人異。南寧府志

山子交媾。媾精入地。是生短狐。善撫之。能以夸人出沒之情告也。赤雅

斑衣種女

種女與山子同類。垂手善舞。跕跕歌。短裙及膝。坐則雙膝齊跪。執禮甚恭。有盤古風。

劉禹錫蠻女軻舟音。蠻衣爛斑布。赤雅下同

巴人

懷遠石陣臨溪。陰風慘人。猶聞鬼哭。昔武侯立營於此。夜令云。枕石者去。枕草者留。中夜撤軍。枕石者不寐。從孔明去。枕草者熟睡。遂留茲土。遺種斯在。尚能操巴音而歌烏烏。

飛頭獠

飛頭獠。頭將飛。先一日頭有痕匝如紅縷。及夜狀如病。頭忽飛去。須臾飛還。其腹自實。其覺如夢。雖獠不知也。余嘗入石袍山澗中。偶見二頭。一食蜩。一食蚓。見人驚起。食蚓者尚啣蚓而飛。蚓食尺許。雙耳習習如飛鳥之使翼也。獠俗賤之。不與婚娶。欲絕其類。余按占城有尸頭蠻。本婦人。目無瞳子。飛頭食。食童子糞。糞盡童子輒死。目益明。堪與此獠為婚一笑。

鼻夸

鼻夸獠族。鼻如垂鈎。隅目好殺。深明水脉。采獲臂鱷牙為簫。吹作龍聲。間出市鹽。與之酒。鼻飲輒盡。

生丁白丁黑丁

推結斑衣。兒時即燒鍊石。烙其跟蹠。沁以蛇油。重斫若韃。穿箐走棘。履險若夸。

丁婦

黔面繡額。為花草蜻蛉蛾蝶之狀。嫁則荷傘懸履以戒徒。

廣西土官

廣西土官一百九十七。思恩田州思明鎮安。知府四人。思明結安。下石西利州都結。奉議思城。上思龍英鎮遠江州結倫思同果化都康茗盈萬承全茗上下凍泗城太平。向武南丹歸順安平萬承忠州思陵龍州歸德那地東蘭上隆。知州三十三人。左州同知一人。羅白憑祥上林陀陵羅陽忻城知縣六人。上林縣丞一人。懷遠主簿一人。桂平貴溪典史二人。永平寨波羅里大洞三寨鎮安平鄉理源鎮高井寨尖山鎮。周冲都樂墟古江口羅目鎮慈樂寨東鄉巡檢十三人。木盤浦鎮鄒寨白石寨重觀。旺思隆鄉連城鄉武羅鄉武林鄉辛安寨東禪鎮那龍寨太約鎮寨下市界牌鎮安城鎮歸仁鎮古眉寨群峰寨白面寨遷隆寨西舍寨麗壁市桑江口古登鎮三畔鎮。三門灘鎮大寧寨龍門寨靖寧鄉宜良鎮都博鎮新興鎮歸化鎮吉清鎮廖洞鎮江口鎮章駱鎮安湘鎮樂善鎮莫離鎮武陽鎮中尚鎮通道鎮清流鎮思管鎮驚頭隘。保江鎮西崗鎮潯江鎮萬石鎮安永鎮縣廓鎮清水鎮李廣鎮思龍鎮東江鎮德勝。

鎮大曹鎮思農鎮北蘭鎮安化鎮普義鎮吉定鎮歸思鎮上堡鎮金城鎮方村蒙邨
窮果兩江口峰門寨南源寨常安鎮龍平寨西嶺寨鎮峽寨白霞寨邊蓬寨信都鄉
沙田寨樊家寨白花洞口渠樂寨金城寨八尺寨那樓寨橫山寨南鄉南里鄉大宣
鄉馱演鄉鶯頸鎮都名鎮丹陽鎮周冲大宣鄉靖寧鄉大黃江口北山懷遠鎮湘山
渡副巡檢一百二人嘉靖七年初設武靖知州一人田州吏目一人臨時嚴馬甲大
田子甲陽院思郎累彩怕河武龍拱甲床甲婁鳳下降縣甲篆甲砦桑怕牙思幼候
周思恩白興龍定羅定安古零舊城那馬下旺都陽巡檢二十八人改流四知州二
人養利上石知縣二人崇善永康

鄭曉吾
學編

洪武二年正月湖廣行省臣言慶遠府地接八番溪洞所轄南丹宜山等處宋元皆
用其夸首為安撫使以統之天兵下廣西安撫使莫天護首來款附宜如宋元制錄
用以統其民上從之詔改慶遠府為慶遠南丹軍民安撫司置安撫使同知副使經
歷各一員以天護為同知王毅為副使

典彙
下同

七月廣西右江田州府土官岑伯顏來安府岑漢忠思明府黃忽都太平府黃英衍
向武州黃世鈇龍州趙帖堅等各遣使奉貢方物詔以伯顏等各為本府知府世襲